

脈望館鈔校本古今雜劇

鳳凰書院校本古今學制

一

陶學士醉寫風光好

元 戴善夫 撰

第一折

〔冲末扮宋齊丘上〕幼年苦志在芸窓，舉成名姓字香。
衣紫腰金人莫比，好杼丹悃佐南唐。小官姓宋名齊
丘，金陵人氏。見在南唐主人駕下，為丞相之職。俺這
後主天生聰睿，詩詞歌賦品竹調絲，風流蘊藉實乃
右文之主。見今中原周世宗升遐，趙點檢即位，國號
大宋，改元乾德。親驅戎馬，所向無敵。至如南閩北虜，
河東西蜀，望風皆降。惟我江左，不曾加兵。我國亦曾

防備近日前路文書行未大宋皇帝遣翰林院學士
陶穀來我國中索要圖籍文書我想陶穀是箇掉弄
喉舌之人況今四海未寧要圖籍何用此人必來以
游說為功我將他攔關突破奏知李主則說李主有
疾不能接見將陶穀留在館驛中羈絆住着每日供
給小官三五日相訪一遭自七月初間至此今八月
將盡秋露乍零旅館蕭索我着金陵太守韓熙載每
日將歌兒舞女館待此人畧不留意分付韓太守看
他一言一動略有纖毫破綻便報與我知道我自
有制他的法度今日衙門中無甚事將馬來且回私宅

去來下

外扮韓熙載引樂探上遠離鄉土渡長江入仕南唐
佐李王一點忠心懸日月好施謀略定封疆小官姓
韓名熙載官拜昇州太守佐于南唐李王今奉宋齊
丘丞相釣旨每日供給大宋學士陶穀今日安排筵
席管待將歌者秦弱蘭乃金陵之名妓席間令秦弱
蘭歌一曲看陶學士所守之志何如樂探你與我喚
將上廳行首秦弱蘭來樂探云理會的做喚科秦弱
蘭安在太守老爹呼喚里正旦扮秦弱蘭上妾身秦
弱蘭是也門首有人相喚我試看咱做見科哥、喚

我怎的(樂探)太守老爹喚官身里(旦)我想俺這門戶人家則管里迎賓接客幾時是了也呵

仙呂點絳脣憑着我霧鬢雲鬟黛眉星眼尋衣飯則向這酒社詩壇多少家喬公案

混江龍悲歡聚散二三年經到有百千番恰東樓歡宴早西出陽關兀的俺引客招勤烟月牌便是賣笑求食望夫山迎新送舊執盞擎盤這此時我一心悵怕的是羅紕錦舊鶯老花殘(樂探)姐、似你這等上官見喜非同容易也(旦)哥、我自幼到今無箇歡喜的前程造次的可也不敢上門來

油葫蘆

也曾把有魂靈的郎君常放當但來的和土剷

可正是烟波名利大家難上俺門來有个比喻恰便似
犬逢餓虎截頭澗更竄似軍騎羸馬連雲棧饒你便會
使慳徹骨奸則俺這女娘每寄信的鴛鴦簡便是招子
弟的引魂幡

天下樂常教他一縷兒頑涎濕不乾丁單將科派攤剷
剛的對付難上難脖子項上搭上套頭皮面上帶上揆眼
分付與一千斤鉄磨裨樂揆来到了我先過去報科稟

老爹叫將秦弱蘭來了韓着他過來旦見科韓秦弱

蘭我你來伏事陶學士你可垂覺着旦理會的老爹

放心此事小可韓你且躲在一壁我來你來便來旦
理會的韓果卓安排停當了我請陶學士去來下
末扮陶穀引驛吏上錦綉文章氣吐虹寒窓苦志足
三冬翰林學士官清要保主擎天一語中小官姓陶
名穀字秀實襄陽人也乃晉處士陶潛之後以儒業
進士及第於周太祖時後中原戎馬未息惟兩浙承
平賴錢王之德今上即位小官隨錢俶歸宋同之汴
京臣宰上疏五十三通皆勸太祖殺錢俶勿令歸國
太祖不從錢俶臨回所從官員太祖賞賜有差賜一
袱封記甚密云待卿回國方開此看及回國啟視乃

群臣勸留錢俶之疏。錢俶流涕北向拜曰。臣心伏于陛下。惟心不改也。後又賜白馬紅袍玉帶各一封。為天下兵馬大元帥。鎮守兩浙。便宜行事。許自選任兩浙官員。至今將小官留在京師。官授翰林學士。經今與俶三載。不會忽。一日早朝。議下江南之策。小官言曰。至於堯舜禹湯。興兵未免有所損益。莫若小臣掉三寸之舌。說李王歸降。豈不易哉。太祖依臣所奏。先將文書行至昇州。今令小官直至南唐。索取圖籍。文書為由。若見唐主。必中說詞。自七月初至此。今八月將盡。李王抱疾不朝。無由可見。惟宋齊丘丞相常

來驛亭討論盃酒之待昇州太守韓熙載供給所需之物近覺秋深風光月色琴韻砧聲不覺感懷在於驛亭中閑行這一片素光粉壁未嘗繪畫驛吏取筆硯來我嘗學春秋隱語因而感懷成十二字書於此處料無有解者寓科念云川中狗百姓眼虎抱鬼御厨飯韓上早來到也左右報伏去韓太守在此陶道有請見科陶太守為何至此韓小官領宋丞相鈞肯耶具蔬酌奉獻左右擡過果卓來做設席科韓將酒來學士滿飲此盃陶飲科云太守飲一盃韓小官執料此茶飯去見張千云張千快叫秦弱蘭來張叫科正旦上

妾身來了韓弱蘭今日就筵宴之中、要你加精神者
陶學士生性威嚴、人莫敢犯、你過去旦老爹放心者
後庭花那學士若見了南唐秦弱蘭、更不說西京白牡丹、則消得我席上歌金縷、管取他尊前倒玉山韓勸的他盡醉而已、要他十分歡喜旦要歡喜不為難、則着這星眸略瞬瞬、教他和骨頭都軟癱韓學士、筵前無樂不成歡、張千叫箇歌者來唱一曲、伏侍學士陶噫、賢、易色、事父母能竭其力、事君能致其身、乃大丈夫、焉用婦人為、吾不與婦人同食、教此婦人靠後休要惱怒小官韓秦弱蘭與學士把一盃旦這學士好

冷臉子也。韓着動樂者陶住了樂聲小官一生不喜

音樂但聽音樂頭暈腦悶。旦

金盞兒我這里覷了是心煩。嗨暢好是冷丁丁、沉默、

無情漢。則見那冬凌霜雪都堆在兩眉間。恰便似額顱
上挂着紫塞鼻凹里倘着藍關。可知道秀才雙臉冷宰
相五更寒。韓這婦人彈的好吹韻好。我把吹韻彈唱歌

舞者陶老子云五音令人耳聾五色令人目盲聽了

他呵正勾當聽不的了。韓弱蘭唱者旦唱科陶喝云

我一生不聽音樂但聽了音樂昏睡三日靠後。旦

醉中天他教莫把瑤箏按。只許鳳簫閑。他道是何用覓

裳翠袖彎更休撒紅牙板不教放筵前過盞幾時得酒
闌人散直恁見不得歌舞吹彈韓俗語云座上若有一
點紅斗筲之器感千鍾座上若無油木梳烹龍炙鳳
俱成虛弱蘭與學士通一盃旦把盞科陶怒云潑賤
人靠後小官一生不吃婦人手內飲食韓學士飲一
盃怕做甚麼豈不聞將酒勸人終無惡意何怒之有
學士也動問他會接談麼權眼看他一看波直恁般
的弱蘭通酒旦通酒科陶靠後小官乃孔門弟子放
鄭聲遠佞人鄭穀淫佞人治小官平生目不視邪色
耳不聽淫聲乃君子之行何故三回五次侮下官是

何禮也(旦)

(金盞兒)他不把話頭來攀諕的我毛骨寒戰競、把不住臺和盞、我這里承歡奉喜兩三番、太守見我退後來早台意怒、學士見我向前去、早惡心煩、好教我左右沒是處來往做人難、(韓)此女子不行用心伏侍學士、(旦)殺妾身怎生是好也、告老爹寬恕咱、(陶)此女子無知靠

後(旦)

(後庭花)學士你隻身在旅邸間着箇甚羅幃錦帳單、學士你德行習顏子也、索要風流做謝安對酒、且開顏、這惜玉怜香的風範、越聰明越掛眼、(陶)兀那女子靠後、我

頭頂儒冠、身穿儒服、乃正人君子、不得無禮也。旦退
科 韓與旦耳語科云、可是這般恁的。陶太守大人小
官酒醉失禮、李太白有詩云、我醉欲眠、君且去、明朝
有意抱琴來、再休將此物來。陶醉睡科 韓學士醉了
也、恁歌者且回去。旦理會的。

賺煞幾時捱得酒筵闌、官員散、恨不的目下天昏日晚、
諕的些舞女歌兒、似受戰汗、都難施逞、樂藝熟閑。韓弱
蘭則要你小心在意者。旦大人看這其間春意相關、
放着這滿眼芳菲、縱心兒揀、爭奈這尋芳人意、嬾嬉遊
的心慢、不是箇惜花人、休想冒凭闌。下 韓學士醉眼不

醒。驛吏看着醒來時伏侍的卧房中去。韓看壁上字
科驛吏這一堵素光白壁誰寫字在上頭。晚了這壁
子驛吏是陶學士寫下的。韓既是陶學士寫的。將紙
筆來我抄了去。抄科云將馬來我回丞相話去也。下
陶醒科云太守去了。驛吏去了。陶既然太守去了。收
拾鋪蓋。我回後堂中歇息去。同下。宋齊丘引張千上
事不關心。關心者亂。今日着韓太守去驛亭中管待
陶學士去。天色晚了。如何不見來回話。韓太守上。小
官韓熙載奉宋丞相鈞旨。着我管待陶學士。看他動
靜。不想他寫下十二箇字在牆壁上。被我抄將來。學

士怎生瞞的過我。此乃春秋戰國多有作者號曰隱語。則說他正大。則這十二箇字。便見他所守。川中狗乃是蜀犬。蜀字着个犬字。是个獨字。百姓眼是民目。民字着个目字。是个眠字。虎抱兒是爪子。爪字着个子字。是个孤字。御厨飯是官食。官字着个食字。是个館字。團句道獨眠孤館。此人客况動矣。陶穀也。你也說不的李主。我直殺你還不得家鄉。我將此十二字見丞相去。早來到也。報伏去道韓熙載來見。報科宋着他過來。見科宋今日席間動靜如何。韓今日陶學士座中古懌。將秦弱蘭正眼不看。被此女子將學士